

北斗七元星燈儀

法事如式

伏聞開明三景九辰為梵炁之宗回度五常七政乃元網之首定樞機於太極司喉舌於圓穹吐輝則調理四時含耀而恢張萬範三十六候冥劫會於天關一十二時辨方維於地紀紫微之上拱帝座以彌高黃道之中布星躔而不忒或旁行越位正陰陽勃蝕之期或召運傳輪應日月推移之數靈鑿而無毫。不顯淵通而有類咸均故得落天上生煥丹文於南極延齡益算注紫筆於東華昭明積善之家膺合降祥之慶今某人夙承妙蔭生遇昌時荷帝念以深際撫塵心而同措輶邀真侶恭答仙科點照太上北斗延生星燈法璇極以舒壇布銀缸而建斗紫煙縹緲想華蓋以藏身丹焰焚煌迓勾陳而隱景伏願花開善瑞爐落浮災福祿增崇發靈光於壽域吉祥至止齋沖炁於高閣稽首歸依虔誠讚誦

長生保命護身天尊

高

三

北斗七元星燈儀

臣衆等志心皈命樞宮大聖貪狼陽明真皇君斗中神仙諸靈官

伏聞飛晨合景樞星掌劫會之權司政糾非陽明主璇璣之運上宰九天之化中監五嶽之靈下總人倫旁分品類定死生之有命鑿善惡以無私今某人恭欽竊心虔依妙範布斗極星辰之象備香花燈供之儀志心皈命樞宮大聖貪狼陽明真皇君伏願回光啓耀開寶鑿於靈圖注祿添年刻生名於玉簡罪消昔劫福蔭後昆稽首歸依虔誠讚誦

貪狼延生 回真四靈 流光下映 洞煥玄冥 七元紀籍 固侍體靈 靈真紀錄 上元衛形 寬寬長守 耳目無驚 攝衛扶命 胎真流行 保真自然 上昇玉京

臣衆等志心皈命璇宮大聖巨門陰精真皇君斗中神仙諸靈官

伏聞星有五門協三光而遠映門開四照合萬炁以騰輝校天府之昇遷主兆民之極壽委質難逃於淵鑿通津實賴於明梁今某人歲事瑤壇馳誠金闕布斗極星辰之象備香

花燈供之儀志心皈命璇宮大聖巨門陰精真皇君伏願身度千災命延百福天開神宇

真集真元碧簡題名固長年於劫石丹臺紀善增壽算於靈椿稽首歸依虔誠讚誦

巨門度厄 高真靈仙 流光輝映 保命延年 七元主籍 自得長生 消滅艱危 災難移遷 臟腑開明 內外無愆 光運合景 與神同連 鍊化自然 上昇玉京

臣衆等志心皈命璇宮大聖巨門陰精真皇君斗中神仙諸靈官

伏聞偃息華蓋徒知空步之明潛洞太虛莫測飛神之妙八景九天之上道契清錄以通具五嶽四瀆之高仙隸黃臺而受事矧茲下土寶仰餘光今某人潔已齋盟法為壇壇布斗極星辰之象備香花燈供之儀志心皈命

機宮大聖祿存真人真皇君伏願慶叶遐年福資浩劫三千萬之甲子地久天長一十二之靈門陽開陰閉俯闕白日宴味沖和稽首歸依虔誠讚誦

祿存保命 高真敬神 正炁攝伏 侍衛敬賓

高

三

三

三

七元上籍運致元真流演靈明契體洞津
永辟不祥內守身形削死上生與神教陳
保舉自然上昇玉晨

臣眾等志心皈命權宮大聖文曲玄冥具
皇君斗中神仙諸靈官

伏聞星主淵冥位司遊擊隱微潛耀領北帝
之三宮福善禍淫攝黑靈之五炁或殄除凶
勃飛火甲於六天或剪馘不臣耀未兵於四
鄙凡居動植皆出生成今其人洒落壇場肅
清塵垢布斗極星辰之象備香花燈供之儀
志心皈命權宮大聖文曲玄冥具皇君伏願
削罪除愆落九陰之鬼錄拘覓制覓得七返
之仙方行藏無非橫之虞視息合太和之慶
承茲上善永洽殊祥稽首歸依虔誠讚詠
文曲益算流真散扶光映下衛與形同敷

七元度籍洞煥玄无鎖護精神保衛形軀
威神可畏真靈駕浮明視表裏與神齊俱
保鍊自然上昇玉虛

臣眾等志心皈命衡宮大聖廉貞丹元真
皇君斗中神仙諸靈官

伏聞香霧崑崙之上交映七門隱芒金蓋之
輝潛通二景絳木結素華之寶瓊律凝治鍊
之膏校錄上真統攝鬼神之簿提綱下學權
與生死之機今其人潔雪襟靈運承科簡布
斗極星辰之象備香花燈供之儀志心皈命

衡宮大聖廉貞丹元真皇君伏願善履三元
削三災於短景順迎五運植五福於深根成
在仕登榮盡繼清崇之世或行商坐賈皆為
富盛之家稽首歸依虔誠讚詠
廉貞消災四明開陽上靈散輝洞映神光

七元衛籍司命延昌明上紀名使我綿長
保固身命除凶去殃神真吐威流演洞鄉
剋勢自然上昇玉堂
臣眾等志心皈命閭陽宮大聖武曲北極
真皇君斗中神仙諸靈官

伏聞玉樓炳景隱飛華宥極之星瓊簡瓊文
紀迴度空常之道定法輪之階級考至學之
功勤飛芒耀於八門無幽不燭攝流光於萬
里有礙皆通今其人委速塵寰宅心道域布
斗極星辰之象備香花燈供之儀志心皈命

閭陽宮大聖武曲北極星皇君伏願一念開
陞萬靈佑序瀉銀河於碧瓊苑注遐年登巨
嶽於瑤空永躋上壽擁親和睦嗣族歡娛稽
首歸依虔誠讚詠
武曲散禍玄映除凶三光煥照萬炁流通

七元注籍列位斗中檢身護命災難不逢
上皇保真命祿無終正道長存與神無窮
保命自然上昇玉宮
臣眾等志心皈命瑤光宮大聖破軍天關
真皇君斗中神仙諸靈官

伏聞天迴地轉瑤光推空洞之輪斗建星躔
虛皇紀運行之度位尊上帝威制羣魔正炁
所臨萬物遂生成之性飛罡所指百邪無逃
遁之形今其人滌垢舒壇披誠奉教布斗極
星辰之象備香花燈供之儀志心皈命瑤光

宮大聖破軍天關真皇君伏願道契丹臺南
斗注長生之字罪消幽府北都詮不死之名
四序營為畫叶光華之慶全家視履咸沾清
淨之風稽首歸依虔誠讚詠
七元覆護天尊

破軍扶衰運致玄真南司保生延壽體寧
七元典籍靈真茶名列位上仙合慶連并
丹靈散光洞入玄冥騰霄飛翔與神同齡
保命自然上昇玉庭
北斗七元星燈儀於

北斗本命延壽燈儀

法事如式

伏以元綱示像迺垂上屬之科梵炁經天故
有命星之宰一歲而纏週六度三甲而次遍
九宮總下土之群靈回凶示吉符上天之列
曜泆充咸亨有感必通無幽不燭以今讚燈
弟子某人虔遵聖教遙感真司焚紫鳳之焚
燐光通玉斗焰紅蓮之燦燦照徹金衡伏願
太極頒祥南宮慶命保壽年之遐遠資福祉
之無窮稽首歸依虔誠讚詠

長生保命天尊

臣東等志心皈命某本命星君諸靈官
伏以真鑒非遙密通於至禱天階雖遠可薦
於馨香仰祈圓極之神以貸純禧之祐以今
然燈弟子某人攝心返焰刻意真風慮多生
之罪籍仍存致此世之運行延壽欲求濟度
獲遇明科然本命之星燈滌身官之愆過伏
願削斗司之罪簿列南極之仙名復連漉注
之殃必成於祥福否塞遠虞之難可革於光
榮稽首歸依虔誠讚詠

長生保命天尊

玉真上帝紫微尊神繡衣羽揚丹青緋裙
雙珠曜景華燦散陳神光洞映百福維新
八威所告無幽不聞志心歸命願得長生
臣東等志心皈命某本命星君諸靈官

伏以太虛妙一固冲用以無方仙錄明科著
精修而有感惟真履之聖境乃天帝之晨居
仰駐仙符掃清琳館奉元辰之上宰延生炁
之真神以今然燈弟子某人修德省躬勵心
悔過虔施醮禮潔辦珍瓊伏願三靈交泰萬
炁齊備闔門長保於利亨畢世用臻於善死
魂神澄正邪氣不侵財祿豐盈福基綿永稽
首歸依虔誠讚詠

大慈延壽天尊

王京嗟峨朱闕洞開中有真人總衛霄塔
戴繡羽帔首冠金巾主判命籍封山召雲
若有所告神威巨兵志心歸命願得長生
臣東等志心皈命某建生本命星君諸靈
官
伏以太極璇圖演王京之元範東華寶籙唱